

Per trutgs e pitgognas dals 10-06-2011

Proposta dad Adalbert Caminada

Tura a Tenna en Val Stussavgia

La tura cumenza tar da la baselgia (1650 msm) situada a la fin dal vitg sin in crest. Da là suonda ins a las tavlas d'orientaziun encunter Usserberg ed alu vers Tenner Chrüz (2020 msm). Qua ha ins gia ina vista magnifica encunter Versomi e fin a Cuira. Ma i vegn anc meglier. Suentar ca. $\frac{3}{4}$ uras arriva ins sin il Schlüechtli (2283 msm). Là è la vista totala. Davent da Breil – Vorab – Crap da Flem – Calanda fin encunter Cuira e vinavant vers il Piz Beverin.

Quai che fa impressiun, è il Crap da Flem. Sche ins metta avant, sco che la crudada da grippa da Flem, ch'è succedida avant dapli che 12'000 onns, ha midà la cuntrada en quai territori.

Turnar enavos fin Tenner Chrüz ed alu encunter Tenner Alp e vinavant fin a Tenna.

Durada	ca. 5 uras
Ascensiun e descensiun	radund 650 m

Tenna po ins cuntanscher cun l'auto da posta. Parcadis per autos privats sa chattan sper baselgia.